



Danghnaeuz Mwngz Laeglemx Haiswd, Duzmbaj Gag Rox Daeuj

你若盛开，蝴蝶自来

Danghnaeuz mwngz guh ndaej deng,
Mbouj aeu cenglwnh daiqlai,
Guh vunz yaek youxyawz, yienghneix doeklaeng cij ndei raennaj;

Danghnaeuz mwngz guh ndaej oksaek,
Mbouj aeu dauqcawq bae angj,
Bouxwnq yaek youq mwngz daekieqfwngfwng seiz lizgyae mwngz;

Danghnaeuz mwngz gig nanzgvaq,
Mbouj aeu bungq daengz byawz couh geqhaemz,
Bouxbox cungj miz youcaeuz, hozbiet gizgiz bae bok baksieng;

Danghnaeuz mwngz gig hunzgyoenx,
Couh laeglemx dwk youq ndaw caemrwd muzlienx shwgeij,
Moix boux vunz cungj dwg gyaxgedged dwk daeuj daengz gwnzbiengz.

Guh daengngoenz shwgeij,
Mbouj yungh ciq ronghgywg bouxwnq,
Guh ndei cawjgiek sengmingh shwgeij,
Mbouj yungh daengz seiqgyaq byawz bae guh yenjyenz linhseiz.

Boux vunz he guh ndei shwgeij liux,
Cij ndaej yungh yienghceij ciq ndei bae najdoi qdoi qfueng,
Danghnaeuz mwngz laeglemx haiswd,
Duzmbaj gag rox daeuj.

De genhciz gij cidu doxcomz minzcu j aendangj raeuz, gig rox dingq gak cungj mbouj doengz yigen, comz dungxcaiz daengxcungq, sup yigen mizleih. De nyinhcaen dingq gij vunz baij okbae guh diucax ngeixyaeng dauqma guh gyoeblnh, bungq daengz gij vwndiz doxceng le, cungj dwg gujli gak fueng gangj yigen liux bae. Doiq gezcwz gij saeh hungloet, de cungj dwg ginggvaq ngeixyaeng diucax, fanfuk caeuq gij goengdaez, cangh-hag mizgven bumwnz doxyaeng, doenggvaq hai hoih yaenglwnh gvaq le, cij guh ok gietdingh, cij bae hengzguh.

De gaenx hag maij hag, genhciz caeu seizgan bae doeg gij saw Maj-Lez caeuq Mauz Cwzdungh, hag gij cwngcwz fuengcim dangj caeuq gij cihsiz vwnzva gohyoz, caemhcaiq hawsim yiengq gij vunzcaixhangz cinggyauq. De mbouj guh faenzcieng biujmienh, gingqcungh saedguh, ciuq saehsaed guh hong, gyanggiu saedyauq. Mbouj gangj cixbah, gangj le couh aeu guh, guh couh yaek guh ndaej ok cingzcik daeuj. Danhfanx gij yinvu de caenn dang baijbouh, cungj

dwg lai baez genjcaz, dukcoi, baez gaemh couh gaemh daengz daej bae.

De sim ndeu vih goeng, guhhak seuqcingh, gangj yenzcwz, gangj daengxbuenz, hozraez aekgvangq, gvanghmingz cingbai, fouz sei caemh-caiq hix mbouj lau maz, baenzciuh cingqheiq. De dwgrengz bujsu, giemhaw siujsim, hozswnh doi qvunz, itcig baujiz gij bonjsaek lwgminz guh hong. De lauxsaed dangqmaz, najmienh caeuq ndawsim doxdoengz, banhsaeh goengdauh, binjdwz gauh-sang.

De daiqdaeuz guhyiengh souj gij gijliz cujeiz dangj raeuz, yiemzgek guenjieix bonjfaenh, mbouj yungh gij

soujduenh loeng bae maeuz mingz-daeuz, mbouj ceng gaiqndaej roxnaeuz gaiqsat, gamj gag bihbingz bonjfaenh, genhciz caenleix, coi hcingq loengloek. Youq gij diuzgen haemzhoj fukcab lajde, rox nyaenxnyiengh goq daengz daengxbuenz, rapdawz hong naek.

Ginggvaq youq Guengjsae guh hong sizcenj caeuq gaujniemh ndaej 20 bi le, Veiz Gozcingh cugbouh youz boux canghbingasah bienqbaenz boux canghewngci, youz boux goengdaez dei hfueng bienqbaenz boux goeng-daeuz dangj caeuq guekgya. De guh gvaq boux vejyenz Cunghyangh gaiq daih 8、9、10、11、12, boux vejyenz Cwngeigiz Cunghyangh gaiq 10、11、

12, boux fuvejyenzcangj Hoihhung Daibyauj Lwgminz Daengx Guek gaiq 4、5、6、7, boux fucujisiz Cwnghzez Daengx Guek gaiq 4、5.

Veiz Gozcingh dwg boux vunz-haidaeuz caeuq boux vunzhwnjgiek hwnjguh yendaiva seveicujyi Guengjsae, de youq Guengjsae mingzmuengh gig sang, ganbu caeuq vunzlai cungj gig gyaenz de. Gij goenglauz ronghsagsag de ciengxlwenx gaek youq ndawsim vunzlai gak cuz Guengjsae, lizsij ciengxlwenx geiq ndaej de. Gij cingzcauh gauhsang caeuq gij binjdwz maenhndei de, ciuhlw gciuhlan yaek ciengxlwenx gingqboiq caeuq hagsib.

(caengz sat)

Simsienh Hengz Ndei Bouxbox Maij

善心行事人人爱

□ Luj Sauh

Simsienh hengz ndei bouxbox maij
Guh yak hengz rwix vunzvunz caengz
Vunzraeuz sei qseiz dox ingbaengh
Maengxangq doxbang gvaq ndwenngoengz

Youq rog guh saeh gauq vunzcaen
Youq ranz ganq reih baengh gaenhlazn
Miz saeh ndeindei caez doxyaeng
Doxnyaek doxndaeng cix mbouj baenz

Duzyae lij miz sam mboengq giuq
Vunzraeuz baenzciuh loh gyaeraez
Doxhuz doxndeix caemh doxgyaenz
Byaijloh gvaddaez miz vunz rex

Naengh mwngz simdoeg caiq simndaem
Oksaeh vunz raen mbouj haengj leix
Haemz vunz mbouj bang gag boihseiz
Bonjsaeh caiq ak hix uengifeiq

Nyienh raeuz ranzgwnz caeuq ranzlaj
Miz maz hojnanh caez doxbang
Daudwz laexmauh ndaej fazyangz
Duzfangz siengj depgaenh hix nanz

Mwngz rox nyienh vunz sam faen naj
Vunz rox gingq mwngz haj faen leix
Coenzvah huzndeix ce doekgonq
Miz cik miz conq mingh gyaen raez